

畿輔通志卷二百六十七

列傳七十五

列女二十三

慶雲

國朝十七

南皮

鹽山

國朝

南皮縣

湯橋妻穆氏年二十撫孤守節事姑艱苦備嘗姑歿哭之喪

明

縣志

不數日亦卒

康熙志

順治十八年旌

府志

謹案康熙志以穆氏入明季茲從府縣志更正

穆茂春繼妻湯氏茂春明舉人官縣令氏年十四留家後茂

春病歸二載而故前室子相繼歿氏孤苦守節五十餘年有

司旌其門

縣志

趙鏊妻張氏年十九夫亡家貧紡績養姑鞠遺腹子成立守

節七十年雍正四年旌

大清一統志

張濟妻殷氏夫亡事兩世孀姑盡職撫二子皆成立守節四

十餘年雍正三年旌

雍正志

王欽周妻吳氏年二十八夫亡事姑盡孝子嘉言舉人守節

四十年雍正十年旌

同上

白作睿妻劉氏年二十六守節奉姑孝子學會舉人苦節四

十七年雍正十二年旌

府志兼採縣志按雍正志誤爲白作肅妻劉氏依府志更正

何麒麟妻蕭氏生於崇禎六年享壽百有四歲乾隆元年建

坊旌

府志

庠生張裕慧妻王氏交河人年二十歸張克修婦職乾隆元

年裕慧病篤王潛禱割股療之不起家人察其志防之嚴王

伴爲不死狀家人信之不復防踰月自經死年二十有五

是旌

河間紀昀記張烈婦事南皮張浮槎名景運卽著秋坪新語者有一子早亡其婦縊以殉縊壁上有其子小像

高尺餘眉目如生其迹似畫非畫似墨非墨婦固不解畫又
無人能爲追寫且寢室亦非人所能到是時親黨畢集均莫
測所自來張氏紀氏爲世姻紀氏之女適張者數十人張氏
之女適紀者亦數十人眾目同觀咸詫爲異余謂此烈婦精
誠之至極不爲異也蓋神之所注氣卽聚焉氣之所聚神亦
凝焉神氣凝聚像卽生焉象之所麗迹卽著焉生者之神氣
動乎此亡者之神氣應乎彼兩相翕合遂結此形故曰緣心
生象又日至誠則金石爲閔也浮槎錄其事迹徵士大夫之
歌咏余擬爲一詩而其理精微筆力不足以闡發凡易數稿
皆不自慙至今耿耿於心姑錄於此以昭幽明之感詩則期
諸異日焉 灤陽消夏錄 張景運哭亡媳詩佳兒佳婦五
年中隔月人驚一旦空痛失所天甘并命憂埋無地慰而翁
俗情任說賢之過防患休言術未工爲恨同生不同死故彌
缺憾傲天公 割臂猶然未合創不教破鏡更留光一雙新
樸千秋恨三尺柔緡萬古香豈必交枝同小吏翻令獨沽笑
共姜可憐就義從容甚剩我衰頽黯自傷 不作陶家寡鵠
吟居然劉氏翦皮金倉皇尙寫夫君面悵望空驚夜月心目
是人間斷連理可眞地下得同林藐孤他日看成立知爾泉
臺屬望深 津門詩鈔 又卷施閣詩
集煨芋巖居詩集各有咏張烈婦詩

張丕昌妻侯氏年二十七夫亡姑性嚴氏侍疾經年未嘗晷

刻離守節終身乾隆二年旌府志

穆汝漢妻王氏年二十七夫亡事舅盡禮守節三十餘年學

政吳旌其門

同上

王習妻范氏年十九摘豆於野有周氏奴王禿子者艷其色挑之氏詈罵不從被害越七年案定置禿於法建坊旌表

侯珏

撰王烈婦
墓碑記

劉某女名煥幼失父母依祖母路氏賣髻爲生路有女適侯素悍惡與鄰嫗于無賴子霍合謀矯路命賣女與某爲妾母不察使來迎人知其詐蜚語四起女密縫衣袴持刀出投井死路鳴之官于霍俱斃於獄旌女之門嘉慶二十五年七月

事

謹案滄州新志有劉宦姑投井事亦略同宦煥音同疑卽此姑兩存之

潘世賢妻王氏于歸八載夫亡嗣子遊蕩忌母治家嚴與匪人劉三馬子謀乘風霾劫之給母出門繫驢背疾馳抵劉家

逆子逸氏知墜奸謀大罵劉出覓火氏摸厨刀欲自刎若有
人止之者出門有白衣老嫗引之疾趨倏忽百餘里抵縣天
甫明鳴之官逆子與劉皆遠颺旣皆墜水死氏守節至七十
餘歲無疾卒逆子兄吞其產官爲追還置墓田以供祭掃節邑
人潘震乙傳略 邑人張之萬咏潘節婦詩共姜有志人難
奪伯道無兒天不靈要假冰霜鍊松柏故教梟獍作螟蛉奇
宛終仗佛衣白勁節常留墓樹青博得貞祠
承世饗百年俎豆被餘馨 苦節千秋集

張全懋妻戰氏甯津戰麟書女年十七適張事舅姑盡職全

懋以試禮闈歿於京氏年二十九歲家中落二子俱天立嗣

子祖述以承夫後卒年七十有六氏老猶勤女紅嘗語人云

勤女紅非止禦饑寒也妄念亦無自起

會稽李慈銘撰傳

全懋弟全

儒妻姜氏滄州人卽戰氏姊也幼以孝聞事繼母尤謹年十

九歸張事姑及夫生母皆盡職似戰氏孀守其母依之敬事

無失禮舅年八十二病癱侍藥餌恆晝夜不離側舅卒夫繼
亡姑老病氏茹素終身姑臨歿執氏手稱孝者再氏幼愛經
史尤惜字遇字之廢者必洗滌焚之訓子維嚴待下以寬子
詈僕婦責之曰若輩逮事祖父母吾且敬之况爾乎咸豐三
年粵匪至嘆曰死晚矣未幾滄州失守其父母皆死之聞信
慟哭絕飲食三日卒女一適同邑尹光炘亦早寡守志以節
孝著同上 按氏與姒戰氏均於同治三年旌 又按順天
府忠義局第七十九次請卹冊載張全儒妻姜氏咸豐
三年賊至氏
聞警仰藥死

姚某妻某氏于歸未一載夫謀食外出無音耗氏紡績養姑
盡孝姑死遺夫弟方十歲代撫成立或諷之嫁媒妁日三至
不為動守節已三十餘年採訪冊

張之澄聘妻崔氏慶雲崔光芻女性貞靜年十五之澄卒文

聞訃欲奔喪舉家勸阻未幾媒妁至女晝夜哭泣抑鬱成疾

卒張族迎柩合葬

慶雲縣採訪冊

張某女適山東長山袁杰爲室祖啟駿任四川太和通判咸

豐十一年粵逆至城陷氏閉戶投繯死光緒二年旌

櫛冊

張之洞妹名采性至孝母病嘗割臂肉醫之幼許字徐某爲

室未婚徐故女矢志不二守節終身

採訪冊

張壽愷妻劉氏夫故安貧守節四十餘年同治三年旌

同上

武舉張殿元繼妻葉氏滄州葉華清女年二十二同治七年

歸甯卧病搶逆驟至入其室氏以言紿之力疾出室投井死

同時孫嘉楨妻董氏年二十一崔祥女年十六懼辱投井死

櫛冊兼採滄州新志

按氏等均於光緒三年旌又按

順天府忠義局請卹冊有崔祥女三姐殉難年十六

劉書屏妻張氏同治七年偕姑及諸婦避難中途搶逆猝至

氏以好言誑賊釋姑及子女走脫賊欲污之氏大罵不從賊
怒鞭之數百罵益厲羣賊刀矛環刺殺之至死罵不絕口婦
女死之烈者以氏爲第一王有志女長姐罵賊觸牆死高某
妻劉氏罵賊被殺又同時殉難者崔書元妻金氏畢如蘭女
六姐均被殺死張光潔妻紀氏劉選妻張氏張世駿女三姐
庠生潘恕田妻張氏均懼辱自經死劉保和女不屈自刎死
張嘉蔭妻戈氏投火自焚死張慶元女吳大發女張清源女
九姐李鳳山妻崔氏女愛姐均不辱投水死白某女九撥亦
同時遇害

採訪冊

庠生張方正妻殷氏罵賊不屈投井死同時殉難者王奎元
妻張氏并妻妹張氏王玉堂女羣姐姪女均姐張長榮母楊
氏張長世妻石氏并幼子張淑楠母紀氏繼妻金氏張邁妻

張氏偕二女并子張永譽妻張氏劉玉書女劉立妻張氏孫
秉誠妻張氏李長齡妻張氏高連城妻楊氏董芳慶女喜姐
徐有造女三姐李正心女七姐王裕德妻李氏張萬通妻劉
氏張福恕妻許氏偕幼子許元善妻郝氏李西山女一姐張
喜妻于氏宮玉崑之女尖莊耿某妻庠生周祥鉦妻張氏張
卿志繼妻黃氏偕子趙煜妻張氏張升堂女愛姐劉靜山妻
張氏崔寶樹妻韓氏以上諸人均遇賊不屈相率投井而死

採訪
冊

庠生潘蕃祚妻刁氏携女領姐避難遇賊脅之走女大罵不
從賊以矛刺女手血淋漓女且罵且走從鄰嫗逃氏不得脫
投井死

一作領姐
亦投井死

又張輔垣女七姐石黑妻周氏亦投井死

馮起祥女愛姐從母避難遇賊欲携之去女不從投水死同

村鞏立成女黛姐亦遇賊自沈死

張秋濤女一姐從父避難賊追至女投水賊以矛援之女急自沈賊刺其背死

俱同上

庠生湯源漢妻甘氏同治七年聞夫殉難投井死同時祥鉦

妻張氏劉立成妻張氏張永祿妻張氏馬長齡妻張氏劉得

山妻郭氏張某女愛姐張樹禔女三姐俱赴水死劉選青妻

張氏自縊死

張祖繼採訪冊

章某妻張氏章某妻李氏暨女長姐年十六培姐年十四轉

姐八歲平姐六歲喜姐二歲子二專福俱投井死

同上

張沐順母周氏女七姑張樂來母孫氏張擢林母孫氏張宜

春妻張氏同治七年捻逆至均罵賊被戕死又辛映斗女平

姑張英元女大姑均不辱投井死又文生

採訪冊作武生

常殿甲女

興姑滿姑崔祥女三姐孫上元子媳董氏趙玉春妻張氏張

廷銳妻張氏金升妻王氏劉琯子婦周氏文生張樹祺女十

姐採訪冊作七姐又次女三姐吳長妻崔氏馮培厚子婦白氏均投

水死庠生周華堂妻穆氏文生潘修祚妻張氏均自經死職

員周松堂妻張氏仰藥死尹有倫妻白氏女二姐皆自刺死

順天府忠義局第三十六次四十九次四十九次七十九次請卹冊

高樹雨妻劉氏年十九同治七年罵賊不屈被賊支解死同

時崔福按採訪冊作戴崔福女崔姐及妻亦罵賊被殺忠義局四十九次請卹冊參採

冊訪

庠生張佐妻周氏暨女七姐避難遇賊女謂其母日生不能

殺賊死豈落賊手乎俱投井死同時張孝侯女年十七聞警

自縊死又張裕源妻姜氏與鄰女相約投井賊至挽諸女乘

間投井死同治十三年并旌

櫛冊 按採訪冊有張恩源妻姜氏賊至急携其表親苑氏女

投井死未知是否即此

潘國良妻李氏翁姑葬期不戒於火人皆逃避氏與其媳趙

氏撫柩哭不去並死之

採訪冊

李景達繼妻潘氏年二十四夫亡守節孝事翁姑同治七年

賊匪至投井賊過家人救出復甦撫子女成立又十年卒

同上

趙恭妻劉氏

年二十四撫孤守節五十八年

庠生咎光美妻葉氏

年十八撫孤守節終身

身

劉中葉妻黃氏

孝姑守節四十餘年

庠生張美蘊妾劉氏

守節終身以上四

人康熙志入明茲謹從府志更正

張敬修妻章氏

年二十八守節四十二年康熙五十三年旌

張

作肅妻周氏

守節三十六年雍正五年旌

吳枝芳妻湯氏

年二十二守節三十三年均

雍正志

湯琴妻張氏

年二十二守節四十年乾隆二年旌

庠生張瑜妻楊氏

守節

四十年乾隆十六年旌

貢生張天祥妻霍氏

年二十五撫遺腹子守節三十九年

張碧妻

馬氏

乾隆二十年旌

張宏烈妻劉氏

年二十五撫孤守節四十五年

均府志

貢生潘六

合妻張氏監生潘六藝妻辛氏

俱嘉慶十一年旌

張璧震妻張氏

嘉慶

十二

劉有邵妻張氏

嘉慶十八年旌

張銑妻湯氏

嘉慶二十四年旌

庠生張

志雲妻趙氏

咸豐元年旌

王長青妻王氏

年二十七守節十餘年卒

張濟

和妻殷氏

年二十三守節三十一年

儒童柴玉辰妻李氏

年二十守節三十一年

王

汝霖妻汪氏

年二十七守節十六年

儒童張榮芳妻紀氏

年三十守節四十三年

以上光緒二年旌

李元春妻高氏

年二十三守節三十六年

王作霖妻周氏

年二十六

守節四

張金榜妻殷氏

年二十守節十六年

翟耀章妻徐氏

年二十守節八

治妻尹氏田蔭桐妻郝氏崔鍾琬妻劉氏

年俱二十守節五

張樹禪

妻王氏

年二十守節一

張虎臣妻鮑氏林和泰妻趙氏白如松妻曹

氏常嘉章妻孟氏胥壽山妻崔氏

年俱二十守節七

馮銘恪妻劉氏

高連芳妻宋氏

年俱二十守節三

劉方行妻牛氏張雲龍妻劉氏

年俱

二十九 常維華妻馬氏 年二十守節 以上 張減妻于氏 年二十

十六 守節 咎桐妻劉氏 年二十四守節四十 劉馨桂妻柳氏 年二十四守節四十

年二十九 守節 蕭文裁妻吳氏 年二十四守節四十 以上四人均於光

緒四年 旌 張某妻馬氏 東光馬恪女早 程文正妻王氏 年二十

撫孤 守節終身 楊太來妻李氏 守節三十八年 劉書堂妻

姜氏 守節二十六 劉文衡妻趙氏 年三十 楊壽錢妻王氏

年十九 耿有成妻張氏 年二十九守節 崔逢年妻崔氏 年二十

守節 以上六人 光 趙雅麟妻張氏 年二十四守節 王器重

妻張氏 年二十九守節存年八十 李鵬閣妻王氏 年二十五

六 王九齡妻劉氏 年二十三 王松林妻劉氏 年二十一

劉壽芝妻齊氏 年二十二 劉炳閣妻劉氏 年二十二 曹

玉田妻崔氏 年二十四 鄒振彪妻曹氏 年二十二 王昌

齡妻齊氏

年二十四守節三十八年
八人均於光緒八年旌

以上

庠生潘炅妻王

氏

年二十八守節五十年

潘靈長妻張氏

年二十九守節四十年

武舉潘象善妻

劉氏

年二十一守節四十一年

廩生潘震甲繼妻咎氏

年二十六守節三十年

張丕

承妻邢氏

年二十六守節三十年已旌

張世基妻孫氏

年二十一守節四十年已旌

張

恥妻張氏

年二十五守節五十年

商浴妻張氏

年二十二守節四十年

田思貞妻

劉氏

年二十三守節四十年

張叔悅妻王氏

年二十四守節三十四年

禡銘敦妻戈

氏

年十六守節四十五年

翟登龍妻侯氏

年二十八守節三十四年

尹光忻妻張氏

年十九守節三十二年

戶長埭妻常氏

年十八守節三十三年

李孟鄰妻劉氏

年

十二守節三十七年

張英岑妻劉氏

年二十九守節三十一年

崔文符妻張氏

年十一

守節五

崔寶慶妻李氏

年十六守節三十六年

崔寶太妻王氏

年二十三守節三

十二

尹輔清妻祁氏

年十八守節三十八年

尹正清妻朱氏

年二十五守節四十五

張廷璘妻王氏

年二十九守節三十二年卒

張恂妻殷氏

年三十四守節三十三張

玉山妻馬氏

年二十四守節六十五年

周肯堂妻尹氏

年二十守節三十五年

李觀

濤妻楊氏

年二十二守節四十六年

朱文炳妻張氏

年二十六守節四十六年

周德隆

妻高氏

年二十三守節三十五年

潘一桂妻王氏

年二十四守節三十八年

劉天墀妻

劉氏

年二十六守節四十七年

王九蘭妻劉氏

年二十三守節四十六年存年六十九歲

光緒九年旌

檔冊

鹽山縣

庠生楊于庭妻宗氏年二十二守節邑被兵難收養難婦王

氏等十餘人事平裹糧送之歸歲饑煮粥活人無算壽七十

無疾卒子芳烈官縣丞

府志

宋之范妻馬氏范父子同殉明季難氏年二十四奉孀姑撫

二十子守節三十餘年

庠生劉濟妻霍氏濟殉明季難氏年二十七守節奉夫木主

事之如生歷三十六年如一日同時諸生劉沛然妻李氏其夫闔門殉難李奉姑走免亦事死如生者三十餘年

謹案楊于庭妻宗氏以下四人均明季守節康熙年間身故

庠生韓嗣愈妻趙氏年三十孝親守節課子及夫弟先後入庠順治五年賊至趙罵之被刺昏絕越三日蘇入十二歲率庠生崔夢龍繼妻杜氏年二十八邑被兵夫遇害氏死復甦奉姑守節

趙明樸妻許氏年二十四夫死於兵氏守節撫孤舅歿與姑同寢處者十餘年子址入邑庠

劉守正妻張氏年二十二夫亡值寇亂姑勸他適矢死不從有盜入其室氏力拒不辱被焚未死撫孤以節終

俱同上